



Broj: 01/1-50-1-15/07

Sarajevo: 30.05.2007. godine

Z A P I S N I K

sa 15. sjednice Ustavnopravne komisije

Sjednica je održana 30.05.2007.godine s početkom u 11,00 sati.

Sjednici su prisustvovali svi članovi Komisije: **Šefik Džaferović, Drago Kalabić, Lazar Prodanović, Halid Genjac, Momčilo Novaković, Ekrem Ajanović, Martin Raguž, Velimir Jukić i Adem Huskić.**

Sjednici je prisustvovao Milan Zjajić, koji je obavljao poslove sekretara Komisije, pripravnik Đenita Pašić zaposlena u Sekretarijatu PS BiH i student stažista Ajdin Brčaninović.

Sjednica je završena u 14,10 sati.

Nakon što je Predsjedavajući Komisije predložio, Komisija je jednoglasno prihvatila sljedeći dnevni red:

D N E V N I R E D :

1. Verificiranje Zapisnika sa:
 - a) 10. sjednice održane 19.04.2007. godine;
 - b) 11. sjednice održane 26.04.2007. godine;
 - c) 12. sjednice održane 27.04.2007. godine;
 - d) 13. sjednice održane 14.05.2007.godine;
2. Prijedlog zakona o Agenciji za predškolsko, osnovno i srednje obrazovanje u BiH, predlažać Vijeće ministara BiH, odgođeno sa 13. sjednice 14.05.07.;
3. Prijedlog zakona o izmjenama i dopunama Zakona o Vijeću ministara BiH, predlažać Vijeće ministara BiH;
4. Prijedlog zakona o izmjeni Zakona o administrativnim taksama, predlažać Vijeće ministara BiH;
5. Zahtjevi za autentično tumačenje
 - a) člana 3. stav 1. tačka c) Zakona o sukobu interesa u institucijama vlasti BiH, podnosilac zahtjeva poslanik Selim Bešlić;
 - b) odredbi člana 23. stav 1. tačke c) i d) Zakona o javnim nabavkama , podnosilac zahtjeva Raiffeisen bank BiH D. D. Sarajevo;
 - c) člana 60. stav 3 Zakona BiH o izvršenju krivičnih sankcija, pritvora i drugih mjera, podnosilac Ministarstvo pravde BiH;
6. Ostala pitanja - upoznavanje sa većim brojem dopisa pristiglih na Ustavnopravnu komisiju.

Ad. 1. Verificiranje zapisnika

Komisija je bez primjedbi jednoglasno verificovala sljedeće zapisnike

- a) 10. sjednice održane 19.04.2007. godine;
- b) 11. sjednice održane 26.04.2007. godine;
- c) 12. sjednice održane 27.04.2007. godine;
- d) 13. sjednice održane 14.05.2007.godine;

Ad. 2. Prijedlog zakona o Agenciji za predškolsko, osnovno i srednje obrazovanje u BiH, predlažać Vijeće ministara BiH, odgođeno sa 13. sjednice 14.05.07.;

Obzirom da je Komisija ranije prihvatila principe Predloženog zakona, rasprava je nastavljena izjašnjavanjem o amandmanima.

Komisija je konstatala da su amandmane uložili po dva puta Drago Kalabić i Martin Raguž, te Momčilo Novaković. Prilikom glasanja Drago Kalabić je neke amandmane modifikovao.

Nakon provedenog glasanja Komisija je usvojila sljedeće amandmane:

AMANDMAN I

Član 2. stav 3. se briše.

AMANDMAN II

Član 3. stav 2. se briše.

AMANDMAN III

U članu 5. stav 1. alineja "d)" na kraju se dodaju riječi: "u saradnji sa nadležnim obrazovnim vlastima,".

U članu 5. stav 1. alineja "e)" mijenja i glasi: "sakupljanje, objedinjavanje, obrađivanje i objavljivanje podataka o kvalitetu i kvantitetu znanja,".

U članu 5. stav 1. alineja "i)" mijenja i glasi: "pružanje pomoći pri priznavanju domaćih svjedočanstava i diploma u drugim zemljama, kao i priznavanju stranih svjedočanstava i diploma u Bosni i Hercegovini,".

AMANDMAN IV

U članu 6. stav 1. alineja "d)" na kraju se dodaju riječi: "zajedničkog jezgra nastavnog plana i programa".

U članu 6. stav 1. alineja "e)" na kraju se dodaju riječi: "zajedničkog jezgra".

AMANDMAN V

U članu 10 stav 1. alineja "g)" na kraju se dodaju riječi: "iz oblasti nadležnosti Agencije,".

AMANDMAN VI

U članu 11. stav 3. se mijenja i glasi: "Direktor i zamjenici direktora ne mogu biti iz istog konstitutivnog naroda".

AMANDMAN VII

Član 17. se briše

Zatim je Komisija većinom glasova, sa šest glasova "za", jedan glas "protiv" i sa dva "uzdržana", usvojila Prijedlog zakona o Agenciji za predškolsko, osnovno i srednje obrazovanje u Bosni i Hercegovini sa usvojenim amandmanima.

Komisija je konstatirala da je predloženi zakon neophodno donijeti.

Komisija je za izvjestioca na sjednici Predstavničkog doma imenovala predsjedavajućeg Komisije Šefika Džaferovića.

Ad.3. Prijedlog zakona o izmjenama i dopunama Zakona o Vijeću ministara BiH, predlađač Vijeće ministara BiH;

Nakon opće i rasprave o pojedinostima, Ustavnopravna komisija je kao nadležna komisija većinom glasova i to 6 "za" 3 "protiv" bez "uzdržanih":

1. Podržala principe predloženog zakona,
2. Konstatirala da nije bilo uložених amandmana,
3. Prihvatila tekst Prijedloga zakona o izmjenama i dopunama Zakona o Vijeću ministara Bosne i Hercegovine kako ga je predložilo Vijeće ministara BiH i
4. Konstatirala da je predloženi zakon neophodno donijeti.

Ad.4. Prijedlog zakona o izmjeni Zakona o administrativnim taksama, predlađač Vijeće ministara BiH;

Nakon provedene rasprave, Ustavnopravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjeni Zakona o administrativnim taksama,
2. Ponuđeni tekst zakona je usklađen sa Ustavom Bosne i Hercegovine i
3. Ponuđeni tekst zakona se može uputiti u dalju zakonodavnu proceduru.

Ad.5. Zahtjevi za autentično tumačenje:

a) člana 3. stav 1. tačka c) Zakona o sukobu interesa u institucijama vlasti BiH, podnosilac zahtjeva poslanik Selim Bešlić;

Nakon rasprave, Komisija je jednoglasno utvrdila da predlađač nema aktivnu legitimaciju za traženje autentičnog tumačenja.

b) odredbi člana 23. stav 1. tačke c) i d) Zakona o javnim nabavkama, podnosilac zahtjeva Raiffeisen bank BiH D. D. Sarajevo;

Nakon provedene rasprave, Komisija je jednoglasno odlučila kao i u predhodnoj tački.

c) člana 60. stav 3 Zakona BiH o izvršenju krivičnih sankcija, pritvora i drugih mjera, podnosilac Ministarstvo pravde BiH;

Nakon provedene rasprave u kojoj su učestvovali svi članovi Komisije kao i Mustafa Bisić, predstavnik Ministarstva pravde Komisija je jednoglasno odlučila da je potrebno sugerisati Ministarstvu pravde da što prije pokrene postupak izmjene Zakona BiH o izvršenju krivičnih sankcija, pritvora i drugih mjera, jer je u direktnom konfliktu sa Zakonom o krivičnom postupku BiH.

Ad.6. Ostala pitanja - upoznavanje sa većim brojem dopisa pristiglih na Ustavnopravnu komisiju.

a) Zahtjev za davanje mišljenja o stranom ulaganju -Pobjeda-sport d.d.

Nakon provedene rasprave, Komisija je povodom ovog zahtjeva utvrdila da prema Poslovniku o radu Predstavničkog doma PSBiH nije nadležna za davanje mišljenja po upitima koji se tiču primjene zakona.

b) Zahtjev za davanje mišljenja – Zajednička advokatska kancelarija Osman Mulahalilović i Faruk Latifović;

Nakon provedene rasprave, Komisija je povodom ovog zahtjeva utvrdila da prema Poslovniku o radu Predstavničkog doma PSBiH nije nadležna za davanje mišljenja po upitima koji se tiču primjene zakona.

c) Molba Mustafe Kapetanovića;

Nakon provedene rasprave Komisija je povodom ovog zahtjeva odlučila kao i u predhodne dvije tačke.

d) Zahtjev za pojašnjenje pojma zaposlenik države-Udruženje bivših radnika Republičke uprave carina;

Nakon provedene rasprave, Komisija je odlučila kao i u predhodnoj tački.

e) Prijedlog ustavnog definisanja, položaja i mjerodavnosti Tužilaštva BiH;

Ovaj prijedlog je Komisija primila k znanju.

f) Zahtjev za prijem delegacije Ensarije;

Kako je delegacija Ensarije primljena od strane Zajedničke komisije za ljudska prava Parlamentarne skupštine BiH, Komisija je odlučila da se ovaj zahtjev skine sa dnevnog reda.

g) Rezolucija Parlamentarne skupštine Vijeća Europe;

Nakon provedene rasprave, Komisija je jednoglasno odlučila da se ovaj materijal posebno izučiti i da se rasprava o tome provede na nekoj od sljedećih sjednica.

h) Dostava upita na nadležni postupak- Federalno Ministarstvo unutrašnjih poslova;

U toku rasprave, Sekretar Predstavničkog doma PSBiH je upoznala Komisiju sa činjenicom da je Kolegij Predstavničkog doma PSBiH već uputio odgovor Federalnom Ministarstvu unutrašnjih poslova u vezi sa ovim zahtjevom, tako da je ovaj zahtjev skinut sa dnevnog reda.

i) Godišnji izvještaj "Vaša prava BiH" za 2006. godinu;

Komisija je odlučila da se ovaj izvještaj ima u vidu kada Ustavnopravna komisija bude raspravljala o Zakonu o besplatnoj pravnoj pomoći.

Kako nije bilo više drugih pitanja, predsjedavajući Komisije je zaključio sjednicu u 14,10 sati.

SEKRETAR KOMISIJE
Milan Zjajić

PREDSJEDAVAJUĆI KOMISIJE
Šefik Džaferović